



Afkoma ársins 2018

Íslandsbanki hf.

Helstu atriði í afkomu Íslandsbanka á árinu 2018

- Hagnaður eftir skatta var 10,6 ma. kr. (2017: 13,2 ma. kr.) og arðsemi eigin fjár var 6,1% á ársgrundvelli (2017: 7,5%).
- Hagnaður af reglulegri starfsemi var 12 ma. kr. (2017: 13,8 ma. kr.) og arðsemi eigin fjár af reglulegri starfsemi miðað við 16% eiginfjárlutfall þáttar 1 (CET1) var 8,0% á ársgrundvelli (2017: 9,9%).
- Hreinar vaxtatekjur voru 31,9 ma. kr. (2017: 30 ma. kr.) sem er um 6,5% hækkun á milli ára og var vaxtamunur sami og í fyrra eða 2,9%.
- Hreinar þóknatekjur voru 12,2 ma. kr. (2017: 13,8 ma. kr.) sem er 11% lækkun á milli ára hjá samstæðu en þóknatekjur móðurfélags og Íslandssjóða hækkuðu um 6% á milli ára.
- Virðisbreyting fjáreigna skilaði 1,6 ma. kr. hagnaði á tímabilinu sem er sambærilegt við fyrra ár.
- Stjórnunarkostnaður hækkaði lítillega á milli ára og nam 27,7 ma. kr. (2017: 27 ma. kr.).
- Kostnaðarhlutfall samstæðu í lok árs 2018 var 66,3% samanborið við 62,5% á sama tímabili í fyrra, á meðan kostnaðarhlutfall móðurfélags var 60,4% en langtímamarkmið bankans er 55%.
- Útlán til viðskiptavina jukust um 12% (91,4 ma. kr.) á árinu og voru 846,6 ma. kr. í lok árs 2018. Ný útlán voru 239 ma. kr. á árinu.
- Innlán frá viðskiptavinum hækkuðu um 2,1% eða 11,9 ma. kr. á árinu og námu 579 ma. kr. í lok árs 2018.
- Lausafjárstaða bankans er sterk bæði í íslenskum krónum og erlendum gjaldmiðlum og umfram kröfur eftirlitsaðila og innri viðmið. Við árslok var lausafjárhlutfallið (LCR) 172% (2017: 142%) og fjármögnunarhlutfallið (NSFR) 114% (2017: 117%).
- Vogunarhlutfall var 14,6% við árslok samanborið við 16,2% við lok árs 2017, sem telst hóflegt bæði í innlendum og erlendum samanburði.
- Stjórn bankans leggur til að 5,3 ma. kr. af hagnaði ársins 2018 verði greiddir í arð til hluthafa. Greiðslan samsvarar um 50% af hagnaði ársins 2018 og er í línu við langtímastefnu bankans um 40-50% arðgreiðsluhlutfall.
- Bankinn birtir ársskýrslu og áhættuskýrslu á sama tíma og ársreikning fyrir árið 2018. Hægt er að nálgast gögnin hér: <https://www.islandsbanki.is/is/flokkur/bankinn/fjarfestatengsl>

Helstu atriði í afkomu fjórða ársfjórðungs (4F18)

- Hagnaður eftir skatta var 1,4 ma. kr. (4F17 3,1 ma. kr.). Arðsemi eigin fjár var 3,2% á ársgrundvelli (4F17: 6,9%).
- Hagnaður af reglulegri starfsemi nam 2,1 ma. kr. (2017: 3,6 ma. kr.) og var arðsemi eigin fjár af reglulegri starfsemi miðað við 16% eiginfjárlutfall þáttar 1 (CET1) 5,3% á ársgrundvelli (4F17: 10,3%).
- Hreinar vaxtatekjur voru 8,3 ma. kr. (2017: 7,3 ma. kr.) og var vaxtamunur 3% (4F17: 2,8%).
- Hreinar þóknatekjur voru 3,5 ma. kr. (4F17: 3,6 ma. kr.).

Lykiltölur

		2018	2017	2016	2015	2014
REKSTUR	Arðsemi eigin fjár 16% CET1 (af reglulegri starfsemi) ¹	8,0%	9,9%	10,3%	11,9%	11,4%
	Arðsemi eigin fjár (eftir skatta)	6,1%	7,5%	10,2%	10,8%	12,8%
	Vaxtamunur (af heildareignum)	2,9%	2,9%	3,1%	2,9%	3,0%
	Kostnaðarhlutfall ²	66,3%	62,5%	56,9%	56,2%	57,7%
	Hagnaður eftir skatta, m.kr.	10.645	13.226	20.158	20.578	22.750
	Hagnaður af reglulegri starfsemi, m.kr. ³	12.042	13.848	15.138	16.198	14.846
		31.12.2018	31.12.2017	31.12.2016	31.12.2015	31.12.2014
EIGIÐ FÉ	Eigið fé samtals, m. kr.	176.313	181.045	178.925	202.227	185.487
	Eiginfjárlutfall A	20,3%	22,6%	24,9%	28,3%	26,5%
	Eiginfjárlutfall	22,2%	24,1%	25,2%	30,1%	29,6%
	Vogunarlutfall	14,6%	16,2%	16,0%	18,1%	19,5%
ERNAHAGUR	Eignir samtals, m.kr.	1.130.403	1.035.822	1.047.554	1.045.769	911.328
	Útlán til viðskiptavina, m.kr.	846.599	755.175	687.840	665.711	634.799
	Innlán frá viðskiptavinum, m.kr.	578.959	567.029	594.187	593.245	529.447
	Innlán frá viðskiptavinum / Útlán til viðskiptavina	68,4%	75,1%	84,2%	84,6%	79,0%

1. Hagnaður af reglulegri starfsemi sem hlutfall af CET1 16% eigin fé, leiðréttur fyrir áhættulausum vöxtum á umfram eigin fé. Frá janúar 2018 hefur skilgreining á reglulegri starfsemi verið breytt og núna er undanskilinn hagnaður frá aflagðri starfsemi.

2. Reiknað sem: (Stjórnunarkostnaður + framlag í Tryggingasjóð innistæðueigenda og fjárfesta – einskiptisliðir) / (Heildarrekratekjur – einskiptisliðir)

3. Hagnaður af reglulegri starfsemi er skilgreindur sem hagnaður að undanskildum einskiptiskostnaði. Þar sem þróun bankaskatts á næstu árum er óljós þá er hann enn flokkaður sem einskiptiskostnaður

Birna Einarsdóttir, bankastjóri Íslandsbanka

Á árinu 2018 var stafræn þróun í forgangi hjá okkur í Íslandsbanka þegar við innleiddum nýtt grunnkerfi sem er stærsta tækniverkefni bankans frá stofnun og kynntum til leiks fjölmargar nýjar stafrænar lausnir fyrir viðskiptavinum okkar.

Við erum glöð að mælast aftur hæst hjá viðskiptavinum í bankþjónustu á Íslandi og sjötta árið í röð hlýtur Íslandsbanki Íslensku ánægjuvögina. Við munum halda áfram að bjóða trausta og framúrskarandi þjónustu og gera viðskiptavinum okkar kleift að sinna bankaviðskiptum sínum, hvar og hvenær sem er.

Sterkur vöxtur var í lánaþóknun sem jókst um 12% á árinu og við sáum kröftuga aukningu í fyrirtækjalánum en kannanir hafa einmitt sýnt fram á forystu Íslandsbanka þegar kemur að ánægju með þjónustu til fyrirtækja. Við höfum markað okkur stöðu sem leiðandi aðili í

sambankalánum auk þess sem fyrirtækjaráðgjöf og gjaldeyrismiðlun bankans áttu frábært ár og dótturfélag okkar Íslandssjóðir setti á laggirnar fyrsta innlenda græna skuldabréfasjóðinn.

Afkoma bankans og Íslandssjóða var ágæt á árinu og skilaði samstæðan hagnaði upp á 10,6 ma. kr. en erfiður rekstur annarra dótturfélaga dró heldur úr afkomunni. Fjármögnun bankans var vel heppnuð á árinu og er lausafjárstaðan sterk í bæði íslenskum krónum og erlendum gjaldmiðlum, áhætta bankans er áfram hófleg og henni vel stýrt.

Undanfarin ár höfum við einblínt á að nútímavæða bankann og byggja upp ábyrga viðskipta- og áhættumenningu. Við ætlum að halda þeirri vegferð áfram á nýju ári með því að ráðast í stefnumótun sem við erum viss um að muni skila sér í enn betri banka til hagsbóta fyrir samfélagið allt. Við fögnum útgáfu nýrrar hvítbókar um framtíðarsýn fyrir fjármálakerfið sem kom út í lok síðasta árs sem staðfestir hve miklar umbætur hafa átt sér stað í íslensku bankakerfi á undanförunum árum. Hvítbókin bendir einnig á þunga skattbyrði íslensks bankakerfis sem hefur fyrst og fremst bitnað á íslenskum neytendum og vonumst við til að sjá breytingar hvað þetta varðar.

Helstu atriði úr rekstri fjórða ársfjórðungs (4F18)

- Íslandsbanki tilkynnti þátttöku í sameiginlegri áætlun leiðandi norrænna fyrirtækja um stuðning við heimsmarkmið Sameinuðu þjóðanna um sjálfbæra þróun
- Samstarf Íslandsbanka við stærsta fjártækni-setur heims kynnt
- Tilkynnt um 410 milljóna fjárfestingu Íslandsbanka í Meniga
- Alþjóðlega sjóðastýringarfyrirtækið Vanguard og Íslandsbanki fögnuðu 20 ára samstarfsafmæli
- Íslandssjóðir stofnuðu sjóðinn IS Græn skuldabréf
- Íslandsbanki hélt fund um stöðu kvenna á íslenskum vinnumarkaði: „Hvar vilja konur vinna?“

Rekstrarreikningur

m.kr.	2018	2017	Δ	4F18	4F17	Δ
Hreinar vaxtatekjur	31.937	29.999	1.938	8.294	7.338	956
Hreinar þóknatekjur	12.227	13.750	(1.523)	3.478	3.632	(154)
Hreinar fjármunatekjur	(962)	(715)	(247)	(637)	260	(897)
Hreinn gengismunur	1	527	(526)	76	81	(5)
Aðrar rekstrartekjur	1.784	628	1.156	120	122	(2)
Rekstrartekjur samtals	44.987	44.189	798	11.331	11.433	(102)
Laun og launatengd gjöld	(15.500)	(15.233)	(267)	(4.047)	(4.297)	250
Annar rekstrarkostnaður	(12.150)	(11.735)	(415)	(3.418)	(3.358)	(60)
Stjórnunarkostnaður	(27.650)	(26.968)	(682)	(7.465)	(7.655)	190
Framlag í Tryggingarsjóð innstæðueigenda og fjárfesta	(1.173)	(1.083)	(90)	(299)	(288)	(11)
Sérstakur skattur á fjármálafyrirtæki	(3.281)	(2.892)	(389)	(740)	(614)	(126)
Rekstrargjöld samtals	(32.104)	(30.943)	(1.161)	(8.504)	(8.557)	53
Hagnaður fyrir virðisbreytingu fjáreigna	12.883	13.246	(363)	2.827	2.876	(49)
Hrein virðisbreyting fjáreigna	1.584	1.556	28	(297)	969	(1.266)
Hagnaður fyrir skatta	14.467	14.802	(335)	2.530	3.845	(1.315)
Tekjuskattur	(4.734)	(4.151)	(583)	(1.118)	(816)	(302)
Hagnaður af áframhaldandi starfsemi	9.733	10.651	(918)	1.412	3.029	(1.617)
Hagnaður af aflagðri starfsemi, að frádregnum tekjuskatti	912	2.575	(1.663)	(8)	83	(91)
Hagnaður tímabilsins	10.645	13.226	(2.581)	1.404	3.112	(1.708)

Heildartekjur hækka lítillega miðað við fyrra ár

- Heildartekjur á árinu 2018 námu 45 ma. kr. sem er 1,8% hækkun á milli ára.
- Hreinar vaxtatekjur voru 32 ma. kr. sem er hækkun um 6,5% á milli ára. Vaxtamunur var 2,9% sem er sambærilegt við fyrra tímabil. Þess er vænst að vaxtamunur haldist rétt undir 3,0% til skamms og meðallangs tíma.
- Hreinar þóknatekjur voru 12,2 ma. kr. í samanburði við 13,8 ma. kr. fyrir sama tímabil í fyrra og má að mestu rekja lækkunina til lægri þóknatekna hjá tveimur dótturfélögum bankans en þóknatekjur móðurfélags og Íslandssjóða hækkuðu hinsvegar um 6% á milli ára.
- Tekjur af grunnstarfsemi (hreinar vaxta- og þóknatekjur) mynda um 98% af heildarrekstrartekjum fyrir árið 2018. Bankinn leggur áfram ríka áherslu á að viðhalda sterkum grunntekjum og stöðugu tekjustreymi til lengri tíma.
- Tap á hreinum fjármunatekjum var 962 m.kr. samanborið við tap upp á 715 m.kr. árið 2017 og má að mestu rekja til taps af fjáreignum og fjárskuldum tilskildum á gangvirði í gegnum rekstur sem nam 720 m.kr.
- Aðrar rekstrartekjur námu 1,8 ma. kr. á árinu 2018 samanborið við 628 m.kr. á árinu 2017 og eru tilkomnar vegna sölu dótturfélags sem stundaði fasteignaþróun.
- Stjórnunarkostnaður jókst um 682 m. kr. frá fyrra ári sem samsvarar 2,5% hækkun og stafar einkum af samningsbundnum launahækkunum og kostnaði við innleiðingu á nýju grunnkerfi.

- Á árinu 2018 var meðalfjöldi starfsmanna í fullu starfi í móðurfélagi 873 (2017: 915) og 1.076 (2017: 1.098) í samstæðu. Fjöldi starfsmanna í móðurfélagi í lok árs fyrir utan árstíðabundna starfsmenn var 834 (2017: 860) og 1.075 hjá samstæðunni (2017: 1.042) fyrir samsvarandi tímabil.
- Kostnaðarhlutfall í lok árs var 66,3% samanborið við 62,5% á sama tíma árs 2017 sem er yfir 55% langtímamarkmiði bankans. Bankaskattur og einskiptisliðir eru undanskilin við útreikning kostnaðarhlutfalls. Kostnaðarhlutfall móðurfélags var 60,4% í lok árs.
- Hagnaður af aflagðri starfsemi eftir skatta var 912 m.kr. árið 2018 samanborið við 2,6 ma. kr. árið 2017. Hagnaðinn má rekja til sölu eigna og tekna af fullnustueignum.

Jákvæð virðisbreyting útlána

- Hrein virðisbreyting útlána skilaði 1,6 ma. kr. hagnaði á árinu 2018 sem er sambærilegt við árið 2017 en hagnaðurinn í ár skýrist að mestu vegna afléttingar á skuldbindingu bankans vegna erlendra myntlána.

Skattar og gjöld hafa áfram mikil áhrif á hagnað og arðgreiðslugetu

- Tekjuskattur fyrir 2018 var 4,7 ma. kr. samanborið við 4,2 ma. kr. árið 2017. Virkur tekjuskattur var 32,7% samanborið við 28,0% árið 2017, hækkun á virkum tekjuskatti skýrist aðallega af hækkun á ófrádráttarþærum kostnaði og gjöldum sem eru undanþegin sköttum. Bankaskatturinn var 3,3 ma. kr. árið 2018 samanborið við 2,9 ma. kr. árið 2017. Bankaskatturinn jókst verulega árið 2013 vegna hækkunar sem þá var kynnt sem tímabundin ráðstöfun en samkvæmt langtímaáætlunum ríkisins er áformað að lækka skattinn smám saman úr 0,376% í 0,145% á fram til 2023. Bankinn greiðir sérstakan 6% fjársýsluskatt á hagnað umfram 1 ma. kr. ásamt því að greiða framlag í Tryggingarsjóð innstæðueigenda og fjárfesta, til Fjármálaeftirlitsins (FME) og til umboðsmanns skuldara. Framlag í Tryggingarsjóð innstæðueigenda og fjárfesta á árinu 2018 nam 1,2 ma. kr., lítillega hærra en á fyrra ári. Heildarskattar og gjöld voru 10,6 ma. kr. á árinu 2018 samanborið við 9,5 ma. kr. árið 2017.

Enginn sameiginlegur alþjóðlegur mælikvarði varðandi lán með laskað lánshæfi eftir innleiðingu IFRS 9

- Í kjölfar innleiðingar á alþjóðlega reikningsskilastaðlinum IFRS 9, hefur ekki náðst sameiginlegur skilningur á milli banka um hvernig eigi að skilgreina mælikvarða fyrir gæði útlánasafns. Það er því krefjandi að bera saman lánabók bankans við aðrar lánastofnanir og greina sögulega þróun þar sem mælikvarðar sem mismunandi bankar birta eru oftast en ekki ósamanburðarhæfir. Evrópska bankaeftirlitsstofnunin (EBA) hefur skilgreint mælikvarða sem er hlutfall lána með laskað lánshæfi af vergu bókfærðu virði heildarlánabókar. Hér merkir laskað lánshæfi að annaðhvort er lántaki með lán í yfir 90 daga vanskilum eða að það er mat bankans að ólíklegt sé að lántaki muni standa í skilum. Í lok 2018 stóð þetta hlutfall hjá Íslandsbanka í 1,7% samanborið við 3,4% vegið meðaltal hjá evrópskum bönkum (miðað við lok september 2018). Ef eingöngu er miðað við útlán til viðskiptavina var hlutfallið 2,0% í lok árs 2018, miðað við vergt bókfært virði lána en 1,6% miðað við hreint bókfært virði.

Hagnaður tímabilsins í takt við væntingar bankans

- Hagnaður eftir skatta var 10,6 ma. kr. (2017: 13,2 ma. kr.) og arðsemi eigin fjár á árinu var 6,1% á ársgrundvelli (2017: 7,5%) og var það í takt við væntingar bankans. Hagnaður af reglulegri starfsemi var 12 ma. kr. (2017: 13,8 ma. kr.) og arðsemi eigin fjár af reglulegri starfsemi miðað við 16% eiginfjárlutfall þáttar 1 (CET1) var 8,0% á ársgrundvelli samanborið við 9,9% árið 2017. Hagnaður af reglulegri starfsemi dróst saman um 1,8 ma. kr. einkum vegna lægri þóknatekna frá tveimur af dótturfélögum bankans og neikvæðra fjármagnsliða.

Efnahagsreikningur

Eignir – áframhaldandi stöðugur vöxtur útlána til viðskiptavina og stærri efnahagsreikningur

- Efnahagsreikningur bankans stækkaði um 9,1% á árinu og nam 1.130 ma. kr. í lok árs 2018. Útlán til viðskiptavina jukust um 12,1% eða 91,4 ma. kr. á árinu 2018. Útlánaaukningin var þvert á lánaeiningar bankans en mest til stærri fyrirtækja. Húsnæðislán jukust um 23,5 ma. kr. á árinu 2018. Ný útlán voru 239 ma. kr. á tímabilinu samanborið við 199 ma. kr. á sama tíma í fyrra sem er 20% hækkun. Útlán til ferðaþjónustu hafa lækkað sem hlutfall af vel dreifðu heildarlánasafninu frá árslokum 2017 og standa núna í 12% (2017: 13%).
- Útlán eru almennt með traust veð og eru fasteignir ennþá mikilvægasta tegund trygginga bankans auk skipa. Vegið meðaltal veðsetningarhlutfalls (LTV) húsnæðislánasafns bankans var 61% í lok árs 2018 samanborið við 63% í lok árs 2017. Lækkunina á veðsetningarhlutfallinu má að mestu rekja til hækkunar á fasteignamati sem jók við markaðsvirði fasteigna um 12,8%.

EIGNIR, m.kr.	31.12.2018	31.12.2017	Δ
Handbært fé og innstæður hjá Sí	135.056	189.045	(53.989)
Skuldabréf og skuldagerningar	69.415	27.090	42.325
Hlutabréf og eiginfjárgerningar	13.074	10.177	2.897
Afleiðusamningar	4.550	2.896	1.654
Útlán til lánastofnana	41.577	26.617	14.960
Útlán til viðskiptavina	846.599	755.175	91.424
Fjárfestingar í hlutdeildarfélögum	682	704	(22)
Rekstrarfjármunir	5.271	7.128	(1.857)
Óefnislegar eignir	5.002	4.231	771
Aðrar eignir	7.947	9.993	(2.046)
Fastafjármunir til sölu og aflögð starfsemi	1.230	2.766	(1.536)
Eignir	1.130.403	1.035.822	94.581

Skuldir – fjölbreytt innlend og erlend fjármögnun

Heildarskuldir voru 954 ma. kr. sem er 11,6% hækkun frá áramótum. Bankinn viðhélt sterkri lausafjárstöðu og voru lausafjárhlutföll vel umfram kröfur eftirlitsaðila og innri viðmið. Í lok árs 2018 var lausafjárhlutfall (LCR) 172% fyrir samstæðuna í öllum gjaldmiðlum, 111% í íslenskum krónum fyrir samstæðuna og 153% fyrir móðurfélagið í öllum gjaldmiðlum. Hlutfall stöðugar fjármögnunar (NSFR) var 114% fyrir samstæðuna í öllum gjaldmiðlum, 149% fyrir samstæðuna í erlendum gjaldmiðlum og 151% fyrir móðurfélagið í erlendum gjaldmiðlum.

- Innlán frá viðskiptavinum jukust um 2,1% á árinu í 579 ma. kr. Innlán eru stærsti fjármögnunarliður bankans og er vel fylgst með samþjöppunaráhættu. Hlutfall innlána viðskiptavina gagnvart útlánum til viðskiptavina lækkaði í 68,4% í lok árs samanborið við 75,1% í lok árs 2017. Kvaðabundnar eignir bankans (asset encumbrance) voru 18% í lok árs (2017: 15,2%).


SKULDIR OG EIGIÐ FÉ, m.kr.	31.12.2018	31.12.2017	Δ
Innlán SÍ og lánastofnana	15.619	11.189	4.430
Innlán viðskiptavina	578.959	567.029	11.930
Aðleiðusamningar og skortstöður	5.521	5.492	29
Lántaka	300.976	217.748	83.228
Víkjandi lán	16.216	9.505	6.711
Skattskuldir	7.150	7.787	(637)
Aðrar skuldir	29.643	35.947	(6.304)
Fasta fjármunir til sölu og aflögð starfsemi	6	80	(74)
Skuldir	954.089	854.777	99.312
Eigið fé	176.313	181.045	(4.732)
Skuldir og eigið fé	1.130.403	1.035.822	94.581

- Skuldabréfaútgáfa bankans var áfram farsæl á árinu með útgáfu á innlendum víxlum og sértryggðum skuldabréfum og erlendum skuldabréfaútgáfum. Útgáfunum er ætlað að draga úr áhættu með því að auka fjölbreytni fjármögnunar. Útgáfa sértryggðra skuldabréfa nam 24 ma. kr. á árinu sem var í takt við útgáfuáætlun bankans og er bankinn áfram stærsti útgefandinn á sértryggðum skuldabréfum á Íslandi.
- Í janúar 2018 gaf Íslandsbanki út skuldabréf að fjárhæð 300 milljónir evra (um 38 ma. kr.) til 6 ára með innköllunarheimild af hálfu útgefanda eftir 5 ár (6NC5). Bréfið ber 1,125% fasta vexti sem jafngildir 75 punkta álagi yfir millibankavexti í evrum. Fjórðöld eftirspurn var eftir útgáfunni sem nam 1.255 milljónum evra frá 121 fjárfesti. Skuldabréfin voru seld til fjölbreytts hóps fjárfesta, m.a. frá Bretlandi, meginlandi Evrópu, Norðurlöndunum og Asíu. Viðskiptin mörkuðu tímamót í rekstri Íslandsbanka en um er að ræða lengstu skuldabréfaútgáfu og bestu kjör erlendis sem íslensk fjármálastofnun hefur gefið út frá árinu 2008. Bankinn gaf einnig út fleiri skuldabréf á árinu að andvirði 1.700 milljónum sænskra króna.
- Í ágúst 2018 gaf Íslandsbanki út víkjandi skuldabréf, að fjárhæð 500 milljónir sænskra króna til 10 ára með innköllunarheimild af hálfu útgefanda eftir 5 ár (10NC5). Skuldabréfið, sem er víkjandi og telur til eiginfjárbáttar 2 (Tier 2), ber fljótandi vexti 250 punkta ofan á þriggja mánaða millibankavexti í sænskum krónum. Þetta var önnur víkjandi skuldabréfaútgáfa Íslandsbanka en í nóvember 2017 gaf bankinn út víkjandi skuldabréf að fjárhæð 750 milljónir sænskra króna sem var fyrsta víkjandi skuldabréfaútgáfa sem íslensk fjármálastofnun selur á erlendum markaði frá árinu 2008.


Eigið fé

- Heildar eigið fé bankans nam 176 ma. kr. í lok árs 2018 samanborið við 181 ma. kr. í árslok 2017 þar af er hlutdeild minnihluta 2,3 ma. kr. Stjórn bankans samþykkti á aðalfundi í mars 2018 að greiða 13 milljarða króna af hagnaði ársins 2017 í arð til hluthafa. Nafnvirði hlutabréfa bankans var 10 ma. kr. í lok árs 2018 og hlutafé var 65 ma. kr.
- Eiginfjárlutfall bankans var 22,2% í lok árs 2018 samanborið við 24,1% í lok árs 2017 sem er umfram innri markmið bankans og kröfur eftirlitsaðila. Eiginfjárlutfall þáttar 1 (Tier 1) var 20,3% í lok árs 2018 samanborið við 22,6% í lok árs 2017.
- Fyrir ári síðan kynnti bankinn í fyrsta sinn til sögunnar nýtt langtíma eiginfjármarkmið. Þetta markmið byggir á innra matsferli fyrir eiginfjárbörf (ICAAP) og könnunar- og matsferli (SREP) FME. Það gerir ráð fyrir að bankinn viðhaldi eigin fé sem nemur SREP kröfunni að viðbættum stjórnendaauka. Þetta er gert til að tryggja það að skammtímaflökt valdi því ekki að hlutfallið fari niður fyrir kröfur regluverksins. Eiginfjármarkmiðið styður við stefnu bankans og gerir ráð fyrir breytingum eða óvissu í rekstrarumhverfinu. Það getur breyst með tímanum og endurspeglar breytingar í áhættustýringu, stefnu bankans og ytra umhverfi. Í ljósi breytinga á eiginfjárröfu og efnahagsumhverfi þá ákvað bankinn í september 2018 að aðlagða stjórnendaaukann úr 0,5-1,5% í 0,5-2,0%. FME lækkaði í október heildarkröfu um eiginfjárgrunn úr 19,8% í 18,8% fyrir Íslandsbanka sem er til marks um að heldur hafi dregið úr markaðsáhættu bankans.
- Í maí 2018 tilkynnti FME að sveiflujöfnunarauki yrði hækkaður um 0,5% í 1,75% og myndi sú hækkun taka gildi frá og með maí 2019. Í janúar 2019 tilkynnti FME jafnframt um 0,25% hækkun á sveiflujöfnunaraukanum frá og með febrúar 2020.


Lán til viðskiptavina
(ma.kr.)



Vogunarlutfall



Eiginfjárlutfall



- Íslandsbanki notar staðalaðferð til að meta áhættuvegnar eignir sem námu 845,9 ma. kr. í lok árs 2018 eða 74,8% af heildareignum sem er sambærilegt við fyrra ár. Vogunarlutfall í lok desember 2018 var 14,6%, samanborið við 16,2% í lok árs 2017 sem telst hóflegt.
- Stjórn bankans leggur til að 5,3 ma. kr. af hagnaði ársins 2018 verði greiddir í arð til hluthafa. Greiðslan samsvarar um 50% af hagnaði ársins 2018 og er í línu við langtímastefnu bankans um 40-50% arðgreiðsluhlutfall. Stjórn bankans má kalla til sérstaks hluthafafundar síðar á árinu þar sem tillaga um greiðslu arðs af hagnaði fyrri rekstrarára kann að vera lögð fram.

Lánshæfismat

- Íslandsbanki hefur verið eini íslenski bankinn með lánshæfismat frá tveimur alþjóðlegum lánshæfismatsfyrirtækjum, Fitch Ratings og S&P Global Ratings.
- Í janúar 2019 sagði bankinn upp samningi við Fitch Ratings af hagkvæmissjónarmiðum en Fitch hafði í nóvember 2018 staðfest lánshæfismat Íslandsbanka í BBB/F3 með stöðugum horfum.
- Í október 2017 hækkaði S&P lánshæfismat Íslandsbanka í BBB+/A-2 með stöðugum horfum og staðfesti matið í júlí 2018.

Fjárfestatengsl

Símafundur með markaðsaðilum á ensku kl. 9.30
Símafundur með markaðsaðilum vegna uppgjors verður haldinn 14. febrúar kl. 9.30. Farið verður yfir helstu atriði í íslenskum efnahagsmálum og afkomu bankans. Fundurinn verður á ensku.

Vinsamlegast skráið ykkur á símafundinn með að senda póst á: ir@islandsbanki.is.
Fundargögn og aðgangsorð vegna símafundar verða send út til skráðra aðila fyrir fundinn.

Afkomufundur á íslensku kl. 10.30

Afkomufundur með innlendum markaðsaðilum verður haldinn 14. febrúar, kl. 10.30 í höfuðstöðvum Íslandsbanka að Hagasmára 3, 201 Kópavogi á 9. hæð. Fundurinn verður á íslensku og boðið verður upp á veitingar.

Vinsamlegast skráið ykkur á afkomufundinn með pósti á: ir@islandsbanki.is

Fjárhagsdagatal

Stefnt er að birtingu árs- og árshlutauppgjors á neðangreindum dagsetningum:

- Ársskýrsla og ársreikningur 2018 - 13. febrúar 2019
- Aðalfundur - 21. mars 2019
- Árshlutauppgjör 1F 2019 - 8. maí 2019
- Árshlutauppgjör 2F 2019 - 31. júlí 2019
- Árshlutauppgjör 3F 2019 - 30. október 2019

Athugið að dagsetningar eru birtar með fyrirvara um breytingar

Frekari upplýsingar

Öll gögn tengd uppgjóri ásamt upplýsingum um fjárhagsdagatal og þögul tímabil má finna hér: <https://www.islandsbanki.is/is/flokkur/bankinn/fjarfestatengsl>